



## Erindisbréf fyrir Velferðar- og jafnréttisnefnd Skeiða- og Gnúpverjahrepps.

### I. Kafli

#### Almenn ákvæði

#### 1. Grein

Velferðar- og jafnréttisnefnd er skipuð af sveitarstjórn Skeiða- og Gnúpverjahrepps og er henni ætlað að vinna að velferðar- og jafnréttismálum í sveitarfélaginu. Nefndin skal starfa eftir erindisbréfi þessu sem sveitarstjórn hefur staðfest og almenningur skal hafa greiðan aðgang að, skv IV. Kafli sveitarstjórnarlaga nr. 45/1998, II. Kafli stjórnarsýslulaga nr. 37/1993 og að öðru leyti eftir því sem lög og reglugerðir segja fyrir og sveitarstjórna felur henni.

#### 2. Grein

Velferðar- og jafnréttisnefnd er skipuð þremur aðalfulltrúum og jafnmörgum til vara. Sveitarstjórn skipar formann nefndarinnar en að öðru leyti skiptir nefndin með sér verkum.

#### 3. Grein

#### Hlutverk

Velferðar- og jafnréttisnefnd er ráðgefandi nefnd sem gerir tillögur til sveitarstjórnar. Nefndin getur enga bindandi ákvörðun tekið nema með samþykki sveitarstjórnar, enda hafi nefndinni áður verið falin fullnaðarafgreiðsla einstakra mála.



## 4. Grein

### Markmið

Markmið með starfi Velferðar- og jafnréttisnefndar er að styrkja og efla þá málaflokka sem undir hana heyra fyrir íbúa Skeiða- og Gnúpverjahrepps. Ennfremur skal nefndin leitast við að ná því grundvallarmarkmiði að tryggja að ákvarðanir hennar og vinna séu fyrst og fremst í þágu allra íbúa sveitarfélagsins, sem leggur þær skyldur á herðar fulltrúum í nefndinni, að setja ávallt almenningshagsmuni ofar sérhagsmunum hvort heldur er sínum eigin eða einstakra hópa.

## II. Kafli

### Verkefni

#### 5.Grein

#### Meðal verkefni Velferðar- og jafnréttisnefndar

- Vera sveitarstjórnar til ráðgjafar og veita umsögn um erindi sem tilheyra velferðar- og jafnréttismálum.
- Fjalla um málefni er lúta að velferðar og jafnréttismálum þegar tilefni gefast til hverju sinni og gera tillögur til úrbóta eða breytinga í málaflokkunum eftir því sem nefndin telur ástæðu til.
- Fjalla um samstarfsverkefni við önnur sveitarfélög sem eru í gangi á hverjum tíma í tilheyrandi málaflokkum.
- Nefndin hefur með velferðar- og jafnréttismál að gera og er henni ætlað að fylgjast með þeim átæluum sem sveitarstjórn kann að setja um þess háttar málefni. Svo sem jafnréttisáætlun.



## III. Kafli

### Fundir og starfshættir

#### 6. Grein

##### Boðun funda

Formaður nefndarinnar boðar til funda svo oft sem þurfa þykir, þó ekki sjaldnar en tvisvar á ári og skal formaður stjórna fundunum.

Boðað skal til funda ef einn eða fleiri nefndarmenn óska eftir því enda tilgreini þeir fundarefni. Til fundar telst löglega boðað hafi allir nefndarmenn, eða varamenn í forföllum þeirra, verið boðað er með að minnsta kosti tveggja sólarhringa fyrirvara. Og skal þeim jafnframt greint frá dagskrá fundarins. Starfsfólk skrifstofu sveitarfélagsins annast boðun funda nefndarinnar í samráði við nefndarformann. Komi upp þær aðstæður að mál þarfnist skjótrar úrlausnar getur fyrirvari um fundarboðun verið skemmri, svo framarlega að enginn af nefndarmönnum andmæli því.

Nefndarfundur skal haldinn fyrir luktum dyrum. Nefndin hefur heimild til að boða á sinn fund starfsmenn sveitarfélagsins eða öðrum aðilum, telji hún að þess gerist þörf.

#### 7. Grein

##### Réttindi og skyldur

Nefndarmönnum er skylt að sækja fundi velferðar- og jafnréttismála, nema lögmæt forföll liggi fyrir.



Þeir sem sitja fundi nefndarinnar skulu gæta fyllsta trúnaðar um þau einkamál sem kunnu að verða rædd á fundum hennar. Þagnarskylda fellur ekki niður þó nefndarfulltrúi láti af stöfum í sem slíkur.

Um réttindi og skyldur fer að öðru leyti samkvæmt. IV. Kafla sveitarstjórnarlaga nr. 45/1998, II. Kafla stjórnarsýslulaga nr. 37/1993 og 49. Grein Samþykktá Skeiða- og Gnúpverjahrepps um stjórn og fundarsköp nr 758 frá 2013.

## **8. Grein**

### **Ályktunarhæfi.**

Velferðar- og jafnréttisnefnd getur ekki gert ályktun nema meirihluti hennar sitji fund. Verði atkvæði jöfn ræður atkvæði formanns.

Nefndarmaður getur ekki fjallað um mál er varða hann sjálfan eða nána venslamenn hans svo mjög að ætla megí að afstaða hans mótist að einhverju leyti þar af og skal hann í slíkum tilvikum víkja fyrir varamanni sbr. 47. Og 19 grein sveitarstjórnarlaga nr. 45/1998 og II kafla stjórnarsýslulaga nr. 37/1993.

## **9. Grein**

### **Fundargerðir**

Rita skal í fundargerðarbók öll mál sem fjallað er um í Velferðar- og jafnréttisnefnd og skulu allir viðstaddir rita nöfn sín undir fundargerðir. Með fundargerð fer að öðru leyti samkvæmt 48. Grein sveitarstjórnarlaga og 33 grein samþykktá um stjórna og fundarsköp Skeiða- og Gnúpverjahrepps nr. 758 frá 2013.

Fundargerðarbók, aftri af skýrslum og skjölum, reglugerðir og erindisbréf velferðar- og jafnréttisnefndar skulu vera tiltæk á öruggum stað. Formaður



skal sjá um að afrit af fundargerðum nefndarinnar séu send sveitarstjórna til kynningar og/eða til samþykktar að loknum hverjum fundi. Nefndarmenn eiga einnig rétt á að fá afrit af fundargerðum hennar. Sveitarstjórn sér til þess að fundargerðir nefndarinnar séu birtar á heimsíðu sveitarfélagsins.

## **10.Grein**

### **Meðferð mála**

Velferðar- og jafnréttisnefnd skal á fundum sínum taka fyrir þau erindi sem henni berast. Skal þar fjallað um þau og gera tillögur til afgreiðslu þeirra til sveitarstjórnar, nema sveitarstjórna hafi falið henni fullnaðarafgreiðslu málsins sbr. 3 grein þessa erindisbréfs. Þá skal formaður, strax að lokinni afgreiðslu, tilkynna málsaðilum niðurstöður málsins sé mál þannig vaxið.